

Anu-ano ang uri ng kooperatiba?



Anu-ano ang mga pangunahing hakbang sa pagtatayo ng kooperatiba?

STEP 01

Bumuo ng grupo na hindi bababa sa 15 ang kabuuan na magiging miyembro nito. Alamin agad ang mga karaniwang problema na nais lutasin at mga pangunahing pangangailangan na dapat masagot o maibigay sa pamamagitan ng kooperatiba.

Lumahok sa Pre-registration Seminar (PRS). Ang isang nagnanais na miyembro ng isang primerang kooperatiba ay kinakailangang lumahok at makatapo sa pre-registration seminar na ibinigay CDA.

STEP 02

STEP 03

Ipareserba ang tatlong (3) ninanais na pangalan ng kooperatiba. Lakipin ang Cooperative Name Reservation Request Form (CNRRF). Ito ay dapat na isumite sa CDA Central Office o sa alinmang CDA Extension Office.

Gumawa ng isang *general statement* o ang tinatawag na *economic survey*. Ito ay isang pahayag na naglalarawan ng balangkas, layunin, at kasiguruhan sa ekonomiya (*economic feasibility*) ng binabalak na kooperatiba, lugar na pagtatayuan ng kooperatiba, dami ng maaaring maging miyembro at iba pang kailangang datos.

STEP 04

STEP 05

Gumawa ng *by-laws* at *articles of cooperation* at ihanda ang *treasurer's affidavit*.

Hingan ng garantiya o *bond* ang hahawak ng pananalapi ng kooperatiba, na karaniwan ay ang *treasurer, chairman* at *manager*.

STEP 06

STEP 07

Iparehistro ang inyong kooperatiba sa pamamagitan ng pagsusumite nang mga dokumento sa Electronic - Cooperative Registration Information System (E-COOPRIS) Online.

STEP 08

Pagsama-samahin ang pera ng sa gayon ay makalikom ng saping puhunan upang makagawa ng mas maraming produkto at mapalaki ang kita. Maaaring humanap ng karagdangang puhunan o pautang sa mababang interes sa halip na mangutang sa mga sobrang magpatubo o usurer.



Magsumite ng apat na kopya ng *By-laws* and *Articles of Cooperation*, *Economic Survey*, *Surety Bond of Accountable Officer/s* at *Treasurer's Affidavit*



Ang mga *forms* ay maaaring makuha sa website ng Cooperative Development Authority (CDA) (www.cda.gov.ph)

CDA-NAGA EXTENSION OFFICE SALVADOR V. VALEROSO

Regional Director

CONTACT OFFICES

ALBAY CONTACT OFFICE

Christine Coño
c_cono@cda.gov.ph
Albay Bounty Farmers Village
Cabanagan, Camarig Albay

CAMARINES SUR CONTACT OFFICE

Mancho T. Poore
m_poore@cda.gov.ph
Corner J. Miranda & May Flower St.
Naga City, Camarines Sur

CAMARINES NORTE CONTACT OFFICE

Erinda N. Valera
e_valera@cda.gov.ph
Corner San Vicente & Dulung Bayan Inays
Diet, Camarines Norte

CATANDUANES CONTACT OFFICE

Ophar June V. Dy
o_dy@cda.gov.ph
War Veterans Bldg. Provincial Capitol
Sta. Elena St. Virac, Catanduanes

MASBATE CONTACT OFFICE

Ivonne Gulosino
y_gulosino@cda.gov.ph
Bureau of Animal Industry
Masbate Provincial Office, Masbate City

SORSOGON CONTACT OFFICE

Ramon Mendicabai
r_mendicabai@cda.gov.ph
Sorsogon Provincial Cobo Bank
8. Flores St., Sorsogon City



Cooperative Development Authority
Region V Office

MAGKOOPERATIBA TAYO



NAGA EXTENSION OFFICE
Civic Center Compound,
Dayangdang, Naga City

<https://cda.gov.ph>

<https://facebook.com/cdanaga>

Ano ba ang kooperatiba?

Ang kooperatiba ay isang legal at rehistradong samahan ng mga tao, na may iisang karaniwang interes, na kusang sumali upang makamit ang kanilang mga pangangailangang panlipunan, pang-ekonomiya at pangkultural.

Ang mga miyembro nito ay nagbibigay ng pantay na kontribusyon sa capital na kinakailangan at tumatangkilik sa kanilang mga sariling produkto o serbisyo

Ang mga miyembro nito ay tumatanggap ng patas na bahagi ng mga peligro (risk) at benepisyo (benefits) alinsunod sa katanggap-tanggap at universal na prinsipyong pangkooperatiba.

Upang magtagumpay, ang isang kooperatiba ay kinakailangang tumugon sa mga pangangailangan ng lahat ng mga miyembro (*economic purpose*).

Ang negosyo ng isang kooperatiba ay ang magiging kaparaanan upang matugunan ang kanilang pangangailangan, subalit ang pinaka layunin nito ay ang mapalago at mabago ang buhay ng lahat ng miyembro at ang komunidad sa kabuuan (*social purpose*).

"Ang kooperatiba ay itinayo hindi para magpatubo at hindi rin para sa kawanggawa kundi para sa pagbibigay ng serbiyo sa mga miyembro at komunidad"

Saan magpaparehistro ng isang kooperatiba?

Ang Cooperative Development Authority ay ang nag-iisang ahensya ng pamahalaan na binigyan ng kapangyarihan upang itala ang lahat ng uri ng kooperatiba.

Ang kanilang punong tanggapan ay matatagpuan sa 827 Aurora Blvd., Brgy. Immaculate Concepcion, Cubao, Quezon City at mayroon pang labing-anim (16) na extension offices ang matatagpuan sa bawat rehiyon ng Pilipinas na itinayo upang mapabilis ang daloy ng serbisyo sa kooperatiba at sa publiko.

Sa bisa ng Republic Act No. 11364 na nilagdaan noong ika 8 ng Agosto, 2019, mas pinaglakas ang kapangyarihan ng Cooperative Development Authority (CDA) habang nasa ilalim ng administratibong pangangasiwa ng Department of Trade and Industry (DTI) para sa katuparan ng adhikaing mapalaki at mapalawak ang mga kooperatiba sa bansa.

Mga Pang-kooperatibang Pagpapahalaga (Cooperative Values)

Pagtulong sa Sarili (Self-help)

- Ang mga pangangailangan ng kooperatiba tulad ng puhunan ay pinagsisikapang at pinagtutulong-tulongang mapunan ng bawat miyembro at hindi iniisa sa ibang tao, organisasyon, komunidad at iba pa.

Responsibilidad sa Sarili (Self-responsibility)

- Ang paglago at pag-unlad ng kooperatiba ay nakasalalay sa pagsisikap at pagbibigay ng karampatang kontribusyon ng bawat miyembro hindi lamang sa pananalapi kundi sa mga gawaing pangkooperatiba.

Demokrasya (Ruled by-for-of People)

- Ang pamamalakad, pagtatakda ng mga patakaran, pagpili ng mga opisyal at pagpapasya ay naksentro sa miyembro. Ang bawat miyembro ay binibigyang karapatan upang makilala at makibahagi sa paggawa ng mga desisyon na makabubuti at makapagpapaulat sa kooperatiba.

Pagkakapantay-pantay (Equality)

- Ang bawat miyembro ay binibigyang karapatan sa mga serbisyo ng kooperatiba at pakikilala sa mga pagdedesiyon at gawaing kooperatiba. Ang bawat miyembro ay maaaring bumoto ng isang beses sa bawat pagdedesiyon anuman ang halaga ng kanyang saping puhunan sa kooperatiba.

Katarungan (Equity)

- Ang pagbibigay ng kaukulang serbisyo, pati ng ng *patronage refund at interest on share capital* at iba pang gantimpala ay nakasalalay sa partisipasyong pang-ekonomiya at pangkooperatibana ibinigay ng bawat miyembro.

May Pagkakaisa (Solidarity)

- Ang mga opisyal, taga-pamahala at mga miyembro ay nagkakaisa tungo sa iisang interes at layunin. Nagsisikap upang magkaroon ng pagkakaisa para sa kabutihan ng lahat ng miyembro at komunidad na kinabibilangan nito.

Pagiging Matapat (Honesty)

- Matapat na pagbibigay ng serbisyo, impormasyon at transaksyon sa lahat ng pangkooperatibang Gawain para sa miyembro man o sa ibang tao.

Bukas na Isipan (Openness)

- Pagkakaroon ng bukas na isipan para sa lahat ng suhestiyon at pamamaraan na maaaring makatulong sa pagpapaulat ng kooperatiba.

Responsibilidad sa Lipunan (Social Responsibility)

- Layunin na mapaulat ang buhay ng mga miyembro at magdulot ng pagbabago para sa kabutihan ng komunidad. Ang kooperatiba ay nagbibigay din ng panlipunang serbisyo sa pagpapaulat ng pamayanan.

Malasakit sa Kapwa (Caring for Others)

- Isinasailang-alang ang mga pangangailang hindi lamang ng miyembro kundi pati na rin ang komunidad at ito ay hinahanapan ng solusyon at pamamaraan upang mabigyang kasagutan na naaayon sa kapasidad ng kooperatiba

Anu-ano ang mga prinsipyo ng kooperatiba? (Cooperative Principles)

Boluntaryo at Pagsapi na Bukas para sa Lahat (Voluntary and Open Membership)



Ito ay bukas para sa lahat na handang magbigay ng serbisyo at tanggapin ang mga responsibilidad ng pagiging miyembro nang walang diskriminasyon sa kasarian, antas-panlipunan, lahi, kultura, politikal o relihiyon.

Demokratikong Organisasyon na Kontrolado ng mga Miyembro (Democratic Member Control)



Ito ay kontrolado ng bawat miyembro na aktibong nakikilahok sa pagtatakda ng mga pang-kooperatibang patakaran at pagpapasya.

Pakikilahok ng Pang-ekonomiyang Kasapi (Member Economic Participation)



Pantay-pantay na pinamamahalaan ng mga miyembro ang kapital ng kooperatiba. Sila din ay naglalaan ng surplus para sa pagpapalago nito at pagsuporta na aprobado ng pagiging miyembro.

Awtonomiya at Kalayaan (Autonomy and Independence)



Kapag pumapasok sila sa kasunduan kasama ang iba pang organisasyon o pinapataas ang kapital mula sa mga panlabas na mapagkukunan, kinakailangang gawin ito nang naaayon sa mga tuntunin upang mapanatili ang kanilang awtonomikong kooperatiba.

Edukasyon, Pagsasanay at Impormasyon (Education, Training and Information)



Kinakailangang magbigay ng edukasyon at pagsasanay para sa mga kinatawan, tagapangasiwa, at kawani upang maging mabisa at mahusay sila sa pagpapalago ng kanilang kooperatiba.

Pakikipagtulungan sa mga Kooperatiba (Cooperation among Cooperatives)



Mabisang pinaglilingkuran ang bawat miyembro nito at pinatibay ang galaw ng kooperatiba sa pamamagitan ng pakikipagtulungan sa lokal, nasyonal, rehiyonal at internasyonal na istruktura.

Pagmamalasakit sa Komunidad (Concern for Community)



Ito ay naglilingkod para mapanatili ang kaunlaran ng kanilang komunidad sa pamamagitan ng mga patakaran na binuo at aprobado ng mga miyembro nito.